



Neviim (prophètes) - Isaïe

Chapitre 63

- 63,1 מי-זה בא מאדום, חמוץ בגדים מבצרה, זה הדור בלבוש, צעה ברב כחו; אני מדבר בצדקה, רב להושיע.
63,2 מדיע אדם, ללבושך; ובגדיך, כדרך בגת.
63,3 פורה דרכתי לבדי, ומעמים אין-איש אתי, ואדרכם באפי, וארמסם בסמתי; ויז נצחם על-בגדי, וכל-מלבושי אגאלתי.
63,4 כי יום נקם, בלבי; ושנת גאולי, באה.
63,5 ואביט ואין עזר, ואשתומם ואין סומך; ותושע לי זרעי, וסמתי היא סמכתי.
63,6 ואבוס עמים באפי, ואשכרם בסמתי; ואוריד לארץ, נצחם. {ס}
63,7 חסדי יהוה אזכיר, תהלת יהוה, כעל, כל אשר-גמלנו יהוה; ורב-טוב לבית ישראל, אשר-גמלם כרחמיו וכרב חסדיו.
63,8 ויאמר אך-עמי המה, בנים לא ישקרו; ויהי להם, למושיע.
63,9 בכל-צרתם לא (לו) צר, ומלאך פניו הושיעם--באהבתו ובחמלתו, הוא גאלם; וינטלם וינשאם, כל-ימי עולם.
63,10 והמה מרו ועצבו, את-רוח קדשו; ויהפך להם לאיבי, הוא נלחם-בם.
63,11 ויזכר ימי-עולם, משה עמו; איה המעלם מים, את רעי צאנו--איה השם בקרבנו, את-רוח קדשו.
63,12 מוליך לימין משה, זרוע תפארתו; בוקע מים מפניהם, לעשות לו שם עולם.
63,13 מוליכם, בתהמות; כסוס במדבר, לא יכשלו.
63,14 כבהמה בבקעה תרד, רוח יהוה תניחם--כן נהגת עמך, לעשות לך שם תפארת.
63,15 הבט משמים וראה, מזבל קדשך ותפארתך: איה קנאתך וגבורתך, המון מעין ורחמיך אלי התאפקו.
63,16 כי-אתה אבינו--כי אברהם לא ידענו, וישאאל לא יכירנו: אתה יהוה אבינו, גאלנו מעולם שמך.
63,17 למה תתענו יהוה מדרכיך, תקשיח לבנו מיראתך; שוב למען עבדיך, שבטי ונחלתך.
63,18 למצער, ירשו עם-קדשך; צרינו, בוססו מקדשך.
63,19 היינו, מעולם לא-משלת בם--לא-נקרא שמך, עליהם; לוא-קרעת שמים ירדת, מפניך הרים גזלו.



A la découverte du Beth Hamikdash

Un livre référence sur le Temple de Jérusalem. Une centaine d'illustrations et une description encyclopédique du Beth Hamikdash et de son histoire.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions